

MLADEN LIJANOVIĆ PUŠTEN,

- Mjere zabrane predložene za Željka Mikulića, Zdravka Ivankovića i Draženka Kvesića
- Dugovi prema Federalnoj direkciji robnih rezervi veći od milion i po maraka

Državni tužilac Ismet Šuškić jučer je Sudu BiH, u okviru akcije nazvane kodnim imenom Meso, predložio određivanje jednomjesečnog pritvora federalnom dopremijeru i ministru poljoprivrede, vodoprivrede i šumarstva Jerku Ivankoviću Lijanoviću (1969), njegovoj braći Slavi Ivankoviću Lijanoviću (1957) i Jozi Ivankoviću Lijanoviću (1962), ministru trgovine FBiH Miloradu Bahilju (1953), Jozi Sliškoviću (1956), Mirjani Šakoti (1958) i Mirku Galiću (1954), dok je mjere zabrane predložio za Željka Mikulića (1959), Zdravka Ivankovića (1968) i Draženka Kvesića (1968). Tužilaštvo je ranije najavilo da za Venku Ivanković (1941) i Stipu Ivankovića Lijanovića neće tražiti određivanje pritvora.

Dobro doš' o, predsjedniče

Uhapšenima u akciji se na teret stavlja da su počinili krivična dje-



Jerko Ivanković Lijanović predat Tužilaštvu BiH

la organizirani kriminal u vezi sa krivičnim djelima neplaćanje poreza, porezna utaja ili prevara i pranje novca, kao i krivično djelo krivotvorenje ili uništenje poslovnih ili trgovačkih knjiga ili isprava. Uhapšeni Mladen Ivanković Lijanović, predsjednik Narodne stranke Radom za boljitak i državni poslanik, nakon saslušanja u Agenciji za istrage i zaštitu BiH (SIPA) pušten je na slobodu. Po izlasku iz SIPA, krenuo je prema kancelariji svoje advokatice Nade Dalipagić.

- On je krenuo iz Sarajeva odmah prema mom uredu. Još traje faza istrage. Vidjet ćemo da li postoji

osnovana sumnja ili ne. Napomenula bih da je Jerko Ivanković Lijanović tokom ispitivanja u SIPA detaljno opisao poslovanje Lijanovića i opovrgao bilo kakve nezakonite radnje bilo kojeg kaznenog djela, pojasnila nam je Dalipagić, dodajući da će više detalja iznijeti na sjednici u Sudu BiH, koja bi trebala biti održana danas.

Davor Šilić, koji sa Dalipagić zastupa Jerka, Mladena i Slavu Ivankovića Lijanovića, ističe da će se odbrana protiviti ovom prijedlogu, te da će od Suda tražiti da se on odbije ili da se uhapšenima odrede blaže mjere, eventualno zabrane napuštanja boravišta, putovanja... U momentu kada je ovaj tekst pisan, advokat Šilić nije bio primio pisani prijedlog Tužilaštva, pa se, istakao je, i ne može detaljnije izjašnjavati.

Vijest o puštanju Mladena Lijanovića na slobodu, na društvenim mrežama, na kojima se predstavlja NS Radom za boljitak, dočekana je riječima "Dobro doš' o, predsjedniče". Upućene su mu i različite riječi podrške: "Nećemo u kampanju bez predsjednika", "Samo da pravda bude zadovoljena do kraja", "Neće im uspjati grozni namumi, izaći ćemo iz ovoga još jači"...

Prijava iz Hypo banke

Braći Lijanović je suđeno i ranije zbog optužbi da su poslovanjem porodične firme, mesne industrije "Lijanovići", utajili carine i poreze u višemilion-skim iznosima, ali su 2008. oslobođeni optužbi u Sudu BiH. I prošle godine je Tužilaštvo BiH izdalo naloge za pretrase i izuzimanje poslovne dokumentacije iz kompanija koje su povezane sa porodicom Lijanović, kako bi se dokazao privredni, organizovani kriminal, "čijim je djelovanjem država oštećena za više od 72 miliona maraka". Prošle godine je i nova uprava Hypo banke podnijela Tužilaštvu BiH krivičnu prijavu protiv braće Lijanović zbog "počinjene prevare pri dobijanju kredita". Prema nezvaničnim informacijama, Lijanovići su oštetili Hypo banku za 32 miliona eura.

BRAĆA OSTALA U PRITVORU



Mladen Ivanković Lijanović (ranije) tokom suđenja u Sudu BiH

On je nakon puštanja iz prostorija SIPA, za BHT kazao da ne zna zašto je uhapšen.

- Jučer su mi rekli da sam uhapšen, danas su me pustili. Sve to neće nas spriječiti u vođenju izborne kampanje, izjavio je predsjednik NSRB-a.

U ovoj stranci, čije je sjedište u Sarajevu, jučer su kazali da je sve spremno za početak izborne kampanje koja počinje danas u Tuzli.

- Za sada neće biti zvaničnog obraćanja ni predsjednika ni stranke povodom hapšenja. Sva pitanja možete postaviti sutra (danas, op. a) na pres-konferenciji, rekao je Vedad Gačanović, portparol NSRB-a.

Iz kabineta ministra Jerka Lijanovića, a koji je zadržan na saslušanju u Tužilaštvu, jučer je saopćeno "da sve aktivnosti Ministarstva teku planiranom dinamikom, bez ikakvih smetnji i u skladu sa zakonskom regulativom FBiH, kao što je to bila praksa i do sada".

Akcija u kojoj je učestvovalo 200 specijalaca rađena je po nalogu državnog Tužilaštva, gdje je saopćeno da se radi o "jednoj od najvećih akcija u postdejtonskoj BiH, usmjerenoj na borbu protiv organiziranog kriminala i poreznih utaja u iznosu većem od 11 miliona

KM". Istraga u ovom predmetu, ističu u Tužilaštvu, bit će nastavljena i u narednom periodu.

Ivankovićima i ostalim uhapšenim u akciji Meso na teret se stavlja i to da su "osnivali više fiktivnih preduzeća u koja su u cijelosti prenosili svoju proizvodnju s istim zaposlenima, u istim prostorijama, istim pogonima i po istoj licenci". Utvrđeno je da je ova grupa nezakonitim radnjama stekla protivpravnu imovinsku korist veću od 11,6 miliona KM. Tu korist stekli su, navodno, neplaćanjem i utajom PDV-a od nenamjenski iskorištenih poticaja za razvoj poljoprivrede, otuđenih zaliha Federalne direkcije za robne rezerve i neprikazane realizacije naplaćene u gotovini za prodatu robu na crnom tržištu. Sumnjiče se i da su, u namjeri da prikriju porijeklo nezakonito stečene imovine, novac vraćali u legalne finansijske tokove davanjem pozajmica i otkupom gotovine na račune. Podsjećamo, u akciji su pretreseni objekti i preduzeća, čiji su vlasnici ili koje koriste osumnjičeni. Tom su prilikom izuzeti dokumentacija i dokazni materijal iz preduzeća "Lijanovići" d.o.o. Široki Brijeg, Kora-fin d.o.o. Široki

Ministar bez lisica

Većina uhapšenih u akciji Meso su iz Širokog Brijega. Hapšenje Jerka Lijanovića izvedeno je u Sarajevu, gdje je trebao prisustvovati sjednici Vlade. Potom je doveden u Široki Brijeg, gdje mu je uručen nalog za pretres kuće. Lijanovića su doveli u trenerci, a na rukama nije imao lisice. Kroz smijeh je i razgovarao sa okupljenim novinarima. Ministar Bahilj uhapšen je u svom stanu u Mostaru i doveden s liscama na rukama.

Brijeg, te Velmos Company d.d. Mostar. Sva dokumentacija će, saznajemo, u narednom periodu biti poslata na vještačenje.

Dugovi Farmka

Firma Farmko, koju je osnovala porodica Lijanović i na čijem se čelu najprije nalazio Bahilj, a kasnije Slišković, Federalnoj direkciji robnih rezervi dužna je više od milion i po KM. Prije nekoliko godina bila je jedna od onih u FBiH koje su za naknadu skladištile konzerviranu hranu za potrebe Direkcije robnih rezervi Federacije BiH.

Inspektori Federalne uprave za inspekcijske poslove u kontroli obavljenoj 2011. otkrili su da u skladištima Farmka nema količine robe propisane ugovorom s Direkcijom. Epilog nestanka konzervi je sudska presuda iz februara prošle godine, kojom je Farmku naloženo da Direkciji za robne rezerve isplati 1,5 miliona maraka odštete, ali ta šteta, navodno, ni do danas nije naplaćena. U Direkciji su ranije isticali da "nemaju mehanizma da natjeraju nekoga na vraćanje duga". Firma Farmko bila je, po jednoj od presuda donesenoj u sudu u Širokom Brijegu, dužna vratiti spomenuti iznos Direkciji zbog nepoštivanja ugovora o skladištenju konzervirane hrane.

A. BRKIĆ-ČEKIĆ